



Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

Caput I. Iis etiam, qui in virtutis studio non parùm profecerint, eam occupationem utilem atque necessariam esse.

[urn:nbn:de:hbz:466:1-47123](#)



PARS I.

*In qua premituntur incitamenta quædam ad se-
riam atque constantem circa Iesum crucifixum
exercitationem.*

C A P V T I.

*lisetiam, qui in virtutis studio non parùm pro-
ficerint, eam occupationem utilem atque
necessariam esse.*

§. I.

Quorundam in hac materia minùs probanda persuasio.

Prius quædam ad illud, quod hac pri-
mâ parte faciendum suscepi, aggrediar; ut
certa nimirum incitamenta proponam, qui-
bus ad assiduam divinæ passionis memoriam,
amorem, studium, imitationem extimule-
mur: amolienda nobis est hoc loco falsa-
quædam, & (uti arbitror) in via spiritûs non parùm nociva
nonnullorum persuasio; qui frequentem illam, quam com-
mendamus in hoc opere, circa Christum passum, aut omni-
no circa sacram ipsius Humanitatem, exercitationem, eorum
tantum arbitrantur esse propriam, qui spiritualem vitam mo-
dò aggressi, in ea rudes adhuc & imperfecti sint; quos utique
convenit principiò mentem informatam ac depictam habere
sanctis vita Christi ac passionis ejus imaginibus; carùmque

A

virtu-

Pars I. Incitamenta ad seriam

z
virtutum exemplis, quæ nobis in sua Humanitate exhibuit,
sensim ad majora ac diviniora proverbi.

Qui verò jam paulum ultra communem ac vulgarem
virtutem progressi sint, aut in gradu aliquo perfectionis Christianæ
constituti, hos jam non in istis Humanitatis Christi
exercitijs, sed in sublimibus atque arcanis ipsius Divinitatis
mysterijs esse distinendos. Imò his potius expugnandas es-
*Serm. 23.
in Cant.* se ex animo (quoad fieri poterit) universas, non modò ceterarum
rerum corporearum, sed ipsius quoque Humanitatis Christi imagines; eò quod & illæ impedimento sint, ad il-
lud (ut Bernardus appellat) theoriae contemplationis arca-
num, & intimam cum Divinitate conjuncti onem, aspiranti.

Nempe sacram Christi Humanitatem assiduè habere præ
oculis, complecti membra, palpare vulnera, & dulcibus circa
hac tenerisque sensibus affici; et si pium id quidem & sanctum sit, nescio quid tamen carnale sapere: hisque occupata
mentem ita teneri, ut ne omnibus denique exulta
rerum corporatarum simulacris, nudæ adhæreat incommu-
tabili veritati.

Comperendum id S. Bernardo, viro (si quis alius) earum
rerum experientissimo, qui quodam sermonे planè ac disser-
tè pronuntiat: istius modi, erga Christi carnem, occupatum
& defixum amorem, quo quis videlicet Christo passo pie com-
*Serm. 20.
in Cant.* patitur, compungitur & moveatur facile ad memoriam eorum
qua pertulit, atque ipsius devotionis suavitate pascitur, carna-
lem esse quodammodo; illius nimurum amoris respectu, quo
non tam Verbum caro sapiat, quam Verbum sapientia, Ver-
bum justitia, Verbum veritas, &c. Ut proinde ei, qui meli-
ora charismata emuletur, omittendus sit ille quasi carnalis a-
mor, & ad spiritalem divinorēmque aspirandum: quemad-
modum ait Apostolus: *Et, si cognovimus secundum carnem
Christum: sed nunc jam non novimus.*

2. Cor. 9.

Et sa-

Et sanè nisi hæc circa Christi Domini Humanitatem occupatione, subtiliori ac puriori Dei contemplationi impedimento esset, non præciperent Theologiae mysticæ Magistri ei, qui ad intimam contemplationem, & mysticam cum Deo conjunctionem admissus sit, exinanendum esse fundum animæ, & deponendas esse omnes etiam rerum sanctorum imagines, & nudo atque inde picto intellectu, sive ab omnibus aliarum rerum formis vacuo, in suprema quadam nuditate ac paupertate spiritus, & omnium animæ facultatum silentio, ipsi Divinitati sine medio adhærendum. Quos inter Ludovicus Blosius, in præclara sua Institutione spiritu ali accurate admonet; in actu mysticæ intimæque unionis cum Deo, destinandas quaslibet sanctas cogitationes & imagines, & memoriam quoque Dominicæ passionis deponendam: quod hæc etiam medium aliquod constituat inter animam & Deum. Testaturque hoc ipsum experta B. Angela de Fulginio: se videlicet in suprema extasi, & intimo lumini boni complexu positam, non jam amplius meminisse Humanitatis Christi, aut ullius rei quæ formam habeat, sed simplici quodam intuitu (ut ipsa ajobat) omnia videre, & nihil videre, solitam. Quo modo etiam docet B. Albertus Magnus, hanc esse hominis in hac vita sublimiorem perfecti-
onem: ita Deo uniri, ut tota anima cum omnibus potentijs suis Deo c. 3.
& viribus in Dominum Deum suum sit collecta, ut unus fiat spiritus cum eo, & nihil meminerit nisi Deum, nihil sentiat vel intelligat nisi Deum, & omnes affectiones in amoris gaudio unitæ, in sola Conditoris fruitione suaviter quiescant. Denique disertè tradunt nonnulli, ei qui ad Deum aliquantò propius accesserit, omittendam esse passionis Christi ejusque vulnerum, De myst. theol. c. 3,
commentationem, neque jam (ut aijunt) de plagiis ostiariis cogitandum; quod illud jam, saltem ex parte, asscutus sit, p. 3, apud Bonav.

Cap. 12.

Vis. c. 6.

A 2

Quam

^{22. q. 82.}
^{a. 3. ad 2.} Quamobrem præclarè etiam Doctor Angelicus: *Quæ* pertinent ad Christi humanitatem (inquit) per modum cuiusdam manuductionis maximè devotionem excitant: *cum tamen* *devotio principaliter circa ea, quæ sunt divinitatis, consistat.*

Aliae' nimirum sunt perfectorum propriæ, aut eorum qui jam ad perfectionem propitijs aspirant, aliae incipientium aut lentè adhuc proficiunt exercitationes. Pœnitentia luxus, compassionis lachrymæ, mortificationis horror, quotidianæ crucis studium, sancta & principiò opportuna sunt exercitia, sed velut tyronum atque imperfectorum in via spiritus rudimenta: quibus ubi quispiam temporis aliquid, sub ipsa initia dependerit, porrò pergendum est, & ad altiora ac diviniora aspirandum. *Quæ retro sunt* (inquit Paulus) *obliviscens, ad ea verò quæ sunt priora extendens me ipsum.* In simplici ad Deum adhäsione, in amore puro ac defecato, in rerum omnium corporalium ac sensibilium transgressu, posita est animæ perfectio. Neque dubium esse potest, quin nudi ac puri amoris actus unicus sæpe pluris sit in oculis Dei, quam centum impuri atque permixti, aut quam plures alij, ex genere suo, naturæ aut notæ inferioris. In istis igitur nobilissimis ac divinissimis actibus singulariter exercendus est animus, in his studium omne pondendum, omnis industria collocanda.

Itaque & eos hoc loco audire videor, Christi crucifixi studiosum ascetam in hunc ferè modum compellantem: Quid usque langues circa infima, & in his quæ pridem esse te prætergressum oportuit, quasi rei summa in illis sit, tanto studio occupari? In istius jugi summo vertice, in ista luce, in puro illo, quem vides, æthere situm est bonum tuum: & tu circa pedem montis oberras, & directo calle omisso, quo brevi tanquam compendio ad summa quæque possis eniti, eò per ambages, obliquosque flexus, & devios tristes contendis, & longo labore, non magno operæ pretio circum-

circumversando & circumflectendo lassaris. Assumat de-
nique anima tua pennas aquilæ, & sanctâ quadam libertate
spiritus, trans omne quod divinitus non est, evecta, intro-
eat in potentias Domini, & per mysticam adhæsionem com-
plexumque intimum, unus cum Deo spiritus effecta, prægu-
stare incipiat Sanctorum in cœlo beatas delicias; qui utique
nullis impressi formis istorum sensibilium, nullis cuiusvis
creatæ rei imaginibus occupati, intimè ipsi Divinitati & abs-
que ullo modo adhærescent. Sic illi.

Quorum oratio quid veri aut probi habeat, quid è con-
trario falso affine involvat, in sequentibus disquirendum
est: si id modò præfatus fuero; me dum unicuique homi-
num generi contendo necessariam esse seriam atque con-
stantem circa Christum crucifixum exercitationem, nolle
id præsidenter intelligi, de hac speciali à nobis tradita animæ
devotæ occupatione; (quippe quam, plusculis levioribus
ac minutioribus exercitijs constantem, in tyronum dunta-
xat gratiam, atque minus in via spiritus exercitatorum con-
scribimus, aut eorum sanè quorum ea palato arriserint) sed
quod universè ad perfectionem, aut intimam cum Deo ad-
hæsionem aspiranti, aliqua circa Iesu Christi passionem
exercitatio assumenda & retinenda sit, verùm hæc vel illa-
pro cuiusq; genio, & cujusque statui aut conditioni accom-
modata.

§. 2.

*Aspirandum non esse ad contemplationis quietem, nisi per
assiduam Christi patientis meditationem atque imita-
tionem.*

SAcratissima Christi Humanitas, sive eorum quæ dulcis Re-
demptor noster in carne gessit aut passus est, studiosa &
crebra meditatio, ostium est quo introeatur ad ipsius divi-
nita-

nitatem: neque temerè quisquam ad sublimem aliquem contemplationis gradum ascendit, nisi qui se diu ac diligenter in Christi vita ac passione exercuerit. In quo pronuntiato ita generaliter posito, non arbitror ullum relictum esse controversialē locum. Hoc quippe velut uno ore tradunt vitæ spiritualis magistri, etiam ij qui de Theologia mystica (ut appellant) scripsere. Qui etiam illa Christi verba Ioannis 10. cap. *Ego sum ostium: per me si quis introierit, salvabitur, & ingredietur & egredietur, & pascua inveniet;* in hunc ferè sensum accipiunt: quasi quis per Christum ingrediatur, dum per mysteria Humilitatis ejus, ad simplicem quandam Divinitatis ejus contemplationem adducitur; egrediatur autem, dum vitæ ac mortis illius sanctissimis exemplis informatus, ad sancta opera virtutumque actiones descendit: & ita vitalia pascua, plenamque animæ satietatem invenit. Proferamus istorum Doctorum locos nonnullos, ex quibus certius eorum sententia dignoscatur. B. Albertus magnus, eo ipso libro qui suprà laudatus est, alceram informans & manuducens ad supremam cum Deo adhesionem, ei sic præcipit inter cetera: *Deinde se sotum intra se recipiat, nec aliud unquam objectum mente attendat, quam Iesum Christum vulneratum; sive per eum in eum, id est, per hominem in Deum, per vulnera humanitatis ad intimam divinitatis sue, sedulò & obnixè contendat.*

Marg. spir. p. 1. Ioannes Thaulerus à Bloisio relatus ita loquitur: *Planè proxima purissimaque ad Deum pertingendi via hoc est; ut quis cum ingenti amore & gratitudine, Salvatoris intra se conversationem passionemque circumferat, atque illam moribus & vitâ, intus & foris exprimere curet, &c.* Et postea: *Neque enim aliquis (subdit) ad contemplationis quietem tutò aspirat, nisi via ista gradatur.* Nam Christi divinitas in illius humanitate abscondita est; & humanitas via quedam & janua est pertingendi ad divinitatem: sicut ipse Christus testatur, dicens: *Ego sum*

*De adhæs.
Deo c. 2.*

sum via. Et rursum: Ego sum ostium: per me si quis introierit, salvabitur; & ingredietur in divinitatem, & egredietur in humanitatem meam; & utroque pascua eterna viriditas, pulchritudinis atque felicitatis inveniet.

Ipse autem Blosius in eundem sensum ac poene verba idem inculcat frequentissime. In speculo quippe spirituali ita loquitur: Humanitas Christi via & janua est, quæ ad divinitatem pertinet: nec aliqua ad sublimioris contemplationis quietem divinamque unionem tutò aspirat, nisi virtutes Christi ^{cap. 10.} sanctissimas diligenter imitari, & amabilem humanitatis ejus imaginem, anima sua per devotam imitationem imprimere conetur. In tabella autem spirituali: Ante omnia (inquit) recognoscet gratia mente, illa que pro te fecit ac per tuas clementissimas Iesu, & imitaberis pro modulo tuo sanctissimas virtutes ejus. Sanè, nisi tu amabilem humanitatis Christi imaginem, per devotionem exercitia & humilem imitationem, studieris anima tua imprimere, frustra ad divinitatis ejus eximiam sapidamque cognitionem aspiras: nam humanitas vera via & janua est ad divinitatem. Quibus similitudinibus repetit in alijs suis opusculis, nominatim in aurea illa institutione spirituali; ex qua inferius nonnulla delibabimus. Idem apud eundem docet Joannes Rusbrochius, &c alij.

Estque illud hoc loco commemorabile, quod de Henrico Susone, ex Ordine sancti Dominici viro sanctissimo, in ipsius vita proditur: cum sub initia spiritualis vitae, sublimis eorum que ad ipsam divinitatem pertinent, commentatio ne unicè teneretur, reprehensum ab ipso Deo esse, quod his adeò insisteret, prætermissa Filij Dei passione, cum tamen hæc sit ostium, per quod ad illa introcatur. Quapropter postea tum suo edoctus experientio, tum ipsa dictante aeternâ Dei sapientia. scripsit: Compendiosissimam viam ad salutem & perfectionem, esse contemplationem & amorem Christi patientis & attriti in humanitate.

Vetus

Dial. Sap.
cap. 1.

Vit. c. 15.

p. 3. cap. 1. Veruntamen plus audet Seraphicus Doctor Bonaventura, qui cùm alibi non semel ut receptum dogma posuisset: per ostium Humanitatis Christi intrandum esse ad ejus Divinitatem; demum in stimulo divini amoris eò prorumpit, ut dicat: *Quicunque ad contemplationis quietem & dulcedinem, nisi per illud ostium voluerit intrare, furem se reputet & latronem.* Nimurum ut si invito Deo in ejus bona ac dona invollet, aut ea saltēm alio titulo aut modo, quām ea Dominus donare intendat, usurpet.

Id igitur hoc loco ante omnia constitutum sit, & pro certo habendum: sanctissimam Christi Humanitatem insensu quem proposuimus, viam esse ad ejus Divinitatem; & (si de consueta loquamur Dei providentia) neminem ad præclarum aliquem divinæ, seu contemplationis, seu unionis amoris yse mystici gradum admitti, nisi qui antea in Christi vita ac paſſione commeditanda, ejusque divinis virtutibus imitatione exprimendis, multum studij atque operæ posuerit. Quippe quemadmodum, ex universè recepto principio, ab imperfectis ad perfecta procedimus, & ab corporalibus ad incorporea, ab sensibilibus ad intelligibilia gradum facimus: ita per humana Salvatoris nostri ad ejus divina traducimur. Et, cùm eadem via perinde serviat ultro citroque comineantibus; velut Divinitas ad nos per Christum, sive per sacratissimā ejus Humanitatem ineffabilī modo descendit: sic nos per eandem ad ipsum Deum ascendere, & facili felicique compendio, ad ipsam in sece Diuinitatem degustandam reduci quodammodo debemus.

¶. 3.

Non solis incipientibus aut imperfectis eam occupationem commendatam esse debere.

*Q*uamobrem quicunque spiritualis esse desiderat, & ad gradum aliquem Christianæ virtutis ac perfectionis pertinget.

tingere; is sese sedulò circa Christum crucifixum occupet, & in ejus vita ac passione exerceat: certus eam artem atque studium (si quis id serio constantèque sequi instituat) sectatorem suum ad supremam statu Evangelici absolutionem ac perfectionem rectâ conducere.

Quod si quemquam Deus sibi propriùs adjungere, atque ad sublimem contemplationis gradum provchere decrevit; is adeò sciat sese hac ratione regiam ac tutam eò perveniendi viam insistere; & cùm tempus fuerit, non labore suo, sed proprio Dei beneficio, altius sublevandum ac prorvhendum esse. Sin autem in gradu inferiori statuque communii relinquendus est, pergit is proinde in arrepto studio, atque in jam suscepta Christi crucifixi disciplina; eóq; pacto ad summam Christianæ vitæ, cámque solidam atque germanam perfectionem nitatur, quam satis constet in excelsis potius heroicisque virtutibus, atque in primis in amore Dei casto, puro, forti sitam esse, quām in Dei donis singularibus & extraordinarijs, aut quamlibet sublimi rerum diuinarum contemplatione. Nulla autem est Christianæ virtutis excelsitas, cuius non præclara atque efficacia documenta eluceant, in Domini nostri passione.

Cùm & alioqui res magni sit plena periculi, sive ulro sese in Sponsi cœlestis intimam familiaritatem ingerere, sive ad eam sanè viâ aliâ, quām exactâ virututur Christi crucifixi imitatione grassari.

Quare neque ijs, qui gradum aliquem sive perfectionis Evangelicæ, sive etiam divinæ contemplationis assecuti sint, eam circa Christum crucifixum occupationem omittendam esse, etiam paulò antè à nobis propolita mysticorum Doctorum svadet autoritas: quando eis præsertim convenit, per Christum ingredi atque egredi, quemadmodum illi exposuere.

Cæterū, quæ strictim ac breviter præsenti paragrapho
B dixi-

diximus, consequentibus capitibus paulò explicatiùs trædenda sunt. Nam cùm non parùm sit periculi, ne contraria persuasio nonnullis imponat incautioribus, eosque prætentâ præstantioris boni specie, à recta via perfectionis abducat; placuit rem omnem operosius discutere, & istam tanquam asceticam prolusionem præmittere; in qua, contrâ quam nonnulli volunt, efficaciter (nî fallor) demonstrabitur; assiduam animi circa Christi vitam ac passionem occupationem, & incipientibus viam spiritus, esse omnino necessariam, & proficientibus studiose retinendam, & perfectis quoque, atque (si ita vis) ad sublimem etiam Dei contemplationem unionemque mysticam evectis, non esse penitus abijciendam.

C A P V T II.

Passionem Christi piè recogitatam, ad divini amoris perfectionem suara contemplationem adducere.

§. I.

Passionem Christi piæ meditationi subjectam, cuiusvis sanctæ affectionis materiam præbere.

Catech. 9. PRimo igitur loco illud generatim ponatur: nullam esse sanctam affectionem animi, nullum quamvis præclaræ & excellentis virtutis exercitium, ad quod contemplantis cor non permoveat, piè recogitata passio Salvatoris. Quemadmodum enim (ut eleganter disputat S. Cyrillus Ierołymitanus) veris tempore una pluvia in terram descendit, & rosam quidem rubram efficit, album lillum, purpureum hyacinthum; & sic pro variâ cujusque plantæ conditione, in varios succos, colores, odorésque vertitur: ita una passio-